

Uvodno obraćanje predsjedavajućeg Zajedničke komisije za odbranu i sigurnost BiH Parlamentarne skupštine BiH Sifeta Podžića na Radionici o temi: „Zakonodavni okvir, aktuelno stanje i planovi institucija BiH u oblasti odbrane i sigurnosti“

Jahorina, 02. juni 2015.

Dame i gospodo,

Pozdravljam vas u ime Zajedničke komisije za odbranu i sigurnost BiH i u svoje osobno ime.

Otvaram radionicu o temi:“ Zakonodavni okvir, aktuelno stanje i planovi institucija BiH u oblasti odbrane i sigurnosti“

Posebno pozdravljam:

- članove Zajedničke komisije za odbranu i sigurnost BiH i parlamentarnog vojnog povjerenika BiH,
- samostalnog izvršioca za pitanja odbrane i civilne komande nad Oružanim snagama BiH iz Predsjedništva BiH, Ranka Ninkovića
- predstavnike MINISTARSTVA ODBRANE BiH na čelu sa ministricom Marinom Pendeš,
- predstavnike Zajedničkog štaba OS BiH na čelu sa general-pukovnikom Antom Jelečom,
- predstavnike MINISTARSTVA SIGURNOSTI BiH na čelu sa ministrom Draganom Mektićem
- predstavnike Direkcije za koordinaciju policijskih tijela BiH na čelu sa zamjenikom direktora Urošem Penom
- predstavnike SIPA na čelu sa pomoćnikom direktora Jasminom Gogićem,
- predstavnike GRANIČNE POLICIJE BIH na čelu sa direktorom Zoranom Galićem,
- predstavnike SLUŽBE ZA POSLOVE SA STRANCIMA BIH na čelu sa zamjenikom direktor Izetom Nizamom
- predstavnike Agencije za policijsku podršku na čelu sa direktorom Jasminom Pilicom,
- predstavnike Agencija za forenzička ispitivanja i vještačenja na čelu sa direktoricom Ljiljanom Trišić,
- predstavnike Agencija za školovanje i stručno usavršavanje na čelu sa zamjenikom direktora Borisom Ivanovićem,

- predstavnike MINISTARSTVA VANJSKE TRGOVINE I EKONOMSKIH ODNOSA BIH
- predstavnike BH MAK-a na čelu sa v.d. direktorom Milanom Rezom
- predstavnike Državna regulatorna agencija za radijacijsku i nuklearnu sigurnost na čelu sa Sanjinom Pandžićem
- Predstavnike Komisije za bezbjednost Predstavničkog doma Parlamenta Federacije BiH Mithatom Karovićem,
- predstavnike Komisije za bezbjednost Narodne skupštine Republike Srpske na čelu sa Milankom Mihajlicom,
- predstavnike Misije OSCE u BiH na čelu sa šefom Misije gospodinom Jonathan Moor-om i John Martinom, direktorom Odjela za sigurnosnu saradnju,
- predstavnike EUFOR Komande na čelu sa generalom Zoltán Mihóczy,
- predstavnike NATO Komande u Sarajevu na čelu sa brig. generalom Pettyjem komandantom i njegovom nasljednicom brig. Gen. Giselle Wilz
- predstavnike UNDP- Ured u Sarajevu sa Jasminom Porobićem
- predstavnike OHR na čelu sa Predragom Šofranec
- Predstavnike EUSR na čelu sa Richardom Wood-om
- predstavnike DCAF Ženeva na čelu sa Darkom Stančićem
- predstavnike RACVIAC Zagreb na čelu sa Brankom Kromarom, program menadžerom
- predstavnike nevladinog sektora na čelu sa Denisom Hadžovićem,
- predstavnike medija

Ovim putem se posebno zahvaljujem Ženevskom centru za kontrolu oružanih snaga DCAF, Misiji OSCE u BiH, NATO Štabu u Sarajevu koji su podržali održavanje naše radionice.

Zajednička komisija je u prethodnom mandatu održala tri radionice ovog tipa i sadržaja u Tesliću. Tokom tih radionica članovi Zajedničke komisije su razgovarali sa vama i predstavnicima institucija koje su ovdje zastupljene. Kreirali su zaključke, usvajali ih na sjednicama i nadzirali njihovu implementaciju i provođenje.

Konstituisanjem novog saziva Parlamentarne skupštine BiH, a time i Zajedničke komisije za odbranu i sigurnost BiH, postoji potreba da institucije odbrambenog i sigurnosnog sektora BiH ponovo novoizabranim članovima ovog radnog tijela

prezentuju osnovne odrednice na kojima se zasniva rad tih institucija, aktuelno stanje i planove za rad u 2015. godini i dalje.

Stoga je Zajednička komisija za odbranu i sigurnost BiH, u skladu sa usvojenim Radnim planom za 2015. godinu, organizovala Radionicu na kojoj će se razmatrati pitanja zakonodavnog okvira, nadležnosti, aktuelnog stanja i planova rada institucija sigurnosnog i odbrambenog sektora. Razmatranje ovih pitanja ima za cilj da se članovi Zajedničke komisije putem dijaloga sa predstavnicima vaših institucija pokušaju na što bolji, kvalitetniji i neposredniji način informisati o pitanjima koja su u nadležnosti Komisije, a o kojima će odlučivati tokom trajanja svog četvorogodišnjeg mandata.

Molim vas da u svojim prezentacijama iznesete trenutno stanje, probleme i prijedloge kako poboljšati ili unaprijediti stanje u vašim ministarstvima, agencijama i institucijama.

Posebno očekujemo da iznesete prijedloge na koji način vam može pomoći Zajednička komisija i Parlamentarna skupština u cjelini. Tu prije svega mislim na poboljšana postojećih ili nova zakonska rješenja. Rješenja koja će rad vaših institucija učiniti efikasnijim.

Budite spremni na dodatna pitanja jer problema ima i pred njima ne treba zatvarati oči. Isto tako, molimo vas da vaše pripremljene materijale i izlaganja priložite službenicima iz Ureda sekretara Zajedničke komisije.

U uvjerenju da ćemo raditi u skladu sa postavljenim ciljevima radionice, još jedanput hvala za odziv i prisustvo. (kraj)